


Terap kaedah psikologi dalam pengajian



Sebahagian pelajar yang mengikuti kelas tutorial bagi program Ijazah Sarjana Muda Pendidikan dengan pengkhususan Pengajaran Pengajian Islam Peringkat Sekolah Rendah.

» Guru agama lepasan AeU mampu tarik minat pelajar

Menjelang tiga dasawarsa lalu, sektor pendidikan tempatan menyaksikan cabaran makin hebat guru sebagai pendidik generasi milenia atau dalam istilah sosiologi Generasi Alpha yang lahir dari 2010.

Generasi Alpha cenderung kepada materialistik dan sangat fokus kepada teknologi tinggi berbanding generasi sebelumnya iaitu Generasi X, Y dan Z. Jangkaan tinggi pelajar terhadap pengetahuan dan teknik pedagogi guru punca utama mengapa tahap ilmu akademik dan berfikir secara kritis amat diperlukan.

Meskipun terdapat kesungguhan dan bantuan daripada Bahagian Pendidikan Guru (BPG) untuk membantu guru menyambung pengajian ke peringkat lebih tinggi, faktor kekurangan masa dan komitmen tinggi menjadi penghalang signifikan kepada hasrat guru menyambung pelajaran mereka ke peringkat yang lebih tinggi.

Jika sebelum ini melalui Sekolah Pendidikanannya, Asia e University (AeU) memperkenalkan program Ijazah Sarjana Muda Pendidikan pengkhususan Pengajian Bahasa Melayu, Pengajaran Bahasa Inggeris sebagai Bahasa Kedua dan Pendidikan Awal Kanak-Kanak, kini Pusat Pengajian Sastera, Kemanusiaan dan Sains Sosial (SAHUSS) AeU pula memperkenalkan program Ijazah Sarjana Muda Pendidikan dengan pengkhususan Pengajaran Pengajian Islam Peringkat Sekolah Rendah.

Menepati pasaran

Program ini turut menawarkan subjek yang merangkumi kaedah pedagogi dan psikologi. Ia selaras keperluan memahami kehendak pelajar peringkat rendah agar ilmu itu lebih mudah untuk disampaikan.

"Mengambil kira keperluan semasa, kami turut memasukkan subjek seperti Perkembangan Emosi dan Sosial Kanak-Kanak; Psikologi Pendidikan dan Kanak-Kanak dan Keper-

luan Istimewa. Ia bagi menyediakan guru agama yang siap siaga dari aspek akademik, emosi dan mental apabila berhadapan dengan pelajar," ujar Dekan SAHUSS, Profesor Dr Juhary Ali.

Pengetahuan tentang bidang psikologi diyakini akan membantu guru tampil lebih yakin dan seterusnya dapat mengenali dan menguasai pelajar dengan lebih baik terutama untuk menarik minat mereka.

Pengajian lebih fleksibel

Bagi guru agama yang memiliki diploma diiktiraf MQA sama ada dari Institut Pendidikan Guru (IPG) mahupun IPTA/IPTS, mereka mempunyai peluang memendekkan tempoh pengajian melalui pemindahan kredit bagi subjek yang relevan sehingga maksimum 30 peratus dari nilai kredit keseluruhan.

Ini bermakna, guru dapat mengurangkan sehingga satu tahun tempoh pengajian berdasarkan pengambilan tiga subjek bagi setiap semester.

"Bagi mereka yang tidak mempunyai diploma dalam bidang pendidikan, namun berminat mengikuti program ini, mereka boleh memohon melalui Sistem Kemasukan Terbuka (Open Entry System) iaitu memiliki sekurang-kurangnya PMR atau SPM dan ber-

umur sekurang-kurangnya 21 tahun ketika permohonan dibuat," kata Profesor Juhary.

Dengan jadual kelas yang ditetapkan sekali dalam sebulan dan dijalankan di setiap negeri di Malaysia, pelajar tidak perlu lagi khuatir perihal pembahagian masa kerana di AeU pembelajaran dikhususkan mengikut keperluan pelajar, tambah beliau.

Pengambilan pertama program ini dibuat pada sesi September 2013 dan pendaftaran untuk sesi pengajian Januari 2014 boleh dibuat secara bersempua di kaunter pendaftaran di Jalan Sultan Sulaiman, Kuala Lumpur; melalui wakil di Pusat Pengajian AeU di setiap negeri atau secara dalam talian di www.aeu.edu.my.

Bagi memudahkan proses pembelajaran, AeU membuka pusat pengajian di seluruh Malaysia dan ia terletak di pusat bandar utama negeri atau daerah.

INFO

Cara memohon AeU

- ⊗ Pelajar boleh menghantar permohonan melalui kemasukan umum ataupun Sistem Kemasukan Terbuka.
- ⊗ Maklumat lanjut sila layar www.aeu.edu.my atau telefon talian bebas tol 1-300-300-238